

Loiolatarrak Betaniako aferagatik manifestatuko dira

JAIONE I.G. / DONOSTIA

HIESA duten gaisoen zentrua Donostiako Loiola auzoan jartzeko proiektuaren aurka datorren igandean manifestazio egiteko deialdia egin du «Loiolako Erakundeak Batzordeak». HIESA duten gaisoak Betania etxean jartzeko Donostiako udaletxearen erabakiak polemika handia sortarazi du auzotarren artean eta horren aurka 3.180 sinadura jaso dituzte jadanik.

Mobilizazioa antolatu duen batzordeak adierazi duenez ez dago gaisoen kontra, «administrazioaren arduragabetasunaren aurka baizik». Inguruan beste ubikazio batzuk badirela argitu ondoren.

Osasuna

Osasunaren promozioa aztertuko dute Iruñeko Ihardunaldietan

Osasun Publikoaren IX. Ihardunaldiek 200 pertsona bilduko dituzte

Osasunaren promozioa izango da Iruñean gaur hasi eta hiru egunez luzatuko diren Osasun Publikoari buruzko IX. Ihardunaldien gai ardatza. Nafarroako Osasun Publikoaren Defentsarako Elkarteak antolatutako eztabaidek 200 pertsonatik gora bilduko dituzte.

ANA UNANUE / IRUÑEA

Ihardunaldietan «osasun zerbitzuak ezezik, hauek gainerako gizarte arazoekin duten lotura aztertuko dela» aurreratu zuen NOPDERen ordezkari den Miguel Martinezek atzo

eskaintako prentsaurrekoan, «etxebizitza, elikadura eta lanerako baldintzek osasunarengan eragin handia duten arrisku faktoreak direla» ziurtatuz.

OSASUNA GIZARTEAREN BALDINTZAPEAN

Ildo beretik jarraitu zion Keith Tones, Leeds-eko Politeknikoko irakasle eta Ihardunaldietan parte hartuko duenak, osasuna eta gizarte estuki lotuak daudela azpimarratuz. Aditu britaniarrak osasunarengan eragin duten lau faktore nagusi aipatu zituen: herentzia, bakoitzaren bizimodua, inguruko giroa eta osasun zerbitzuak. Lehenengoa aldatzea gure esku ez dagoenez, osasunaren promozioa

beste hiruretan oinarritu behar dela adierazi zuen Tonesek.

Osasun zerbitzuei dagokienez, «hiritarren beharrei egokitu behar direla» esan zuen britaniarrak, jendearen bizimoduari buruz «ohitura osasuntsuak bultzatzearen» garrantzia azpimarratuz. Hala ere, ardura hiritarren ohitureetara mugatzeari arriskutsua deritzo Tonesek, hori «errua pairatzaileari leporatzea litzateke eta».

Bere ustez gako baldintza sozialetan legoke, «inguruko giroak jendearen jokaera guztiz baldintzatzen bait du» eta «gaixotasunen iturri nagusia gizarte desberdintasunak bait dira». Horrexeagatik gobernuak arlo honetan arantzunkizun ugari dituela, bereziki hezkuntza mailan, ziurtatu zuen.

Marivi Mateo, NOPDEko ordezkariak, Ihardunaldietako osasunaren promozioa gai nagusitzat hartzearen zioa azaldu zuen, «osasunari buruz garatu diren ikerketa teorikoen islada praktikoaren eza» alegia.

Ezbeharrak

IBIRIKUn bi hildako gertatu ziren atzo izandako istripu baten ondorioz. Abaurregainako Rufino Aristegi eta Evarista Ancho Ilintxeta hil ziren istripuaren ondorioz NA-5994-AB eta NA-4907-G matrikuladun autoak errepidetik atera ziren baina ez zen zauriturik egon. R.A. eta E.A.I. zihozten NA-3387-F matrikuladun autoak Pablo Cosin Baztanek zerman autoaren kontra jo ondoren zauriturik gertatu zen eta Ubarmin eritexera eramane zuten.

IRUNen Nafarroako kamioilari bat hil zen herenegun gauean beste kamioi baten kontra jo ondoren. Hogeitamaika urteko F.M.I.S kamioilari Sunbillakoa zen eta bere NA-4947-O matrikuladun MANak kamioi britaniar baten aurka jo ondoren hil zen. Laguntza zerbitzuek hiru ordu inguru egin zituzten hildakoaren gorpua ateratzen eta Ertzantzak adierazi zuenez, berrogeitamaika urteko A.M. britaniarrak kabinaren alderantzizko aldean zegoelako salbatu zuen bizia.

IRUÑEAko Rodezno Kontea plazako Plaza izeneko pubak su hartu zuen atzo goizeko hirurak aldera. Atari hartako auzokide guztiak beren etxeetatik atera egin behar izan zituzten suhiltzaileek, goizeko hiru terdiak eta bostak bitartean. Suak pubeko kartel argitsuan sortua izateko itxura zeukan, suhiltzaileek adierazi zuten.



San Roke Auzoa
Arbaitzalde Etxea - 45 96 29 - 46 29 64
20009 - DONOSTIA

AURTENGO DURANGOKO AZOKARAKO IZ DISKETXEAK AURKEZTURIK:

- "Txirri, Mirri eta Txiribiton, Eguberri On!"
- "Anje Duhalde, Xabier Amurizaren kantari"
- Gontzal Mendibilen "Zu zeu"




Ez gelditu azalean, zatoz muinera!

Hilero zure eskutan

UZTARO

giza eta
gizarte-zientzien
aldizkaria

0 alea
Durangoko
azokan salgai



udako
euskal
unibertsitatea

DURANGO 25

EUSKAL

LIBUR

DISKO

ABENDUAK

6, 7, 8 eta 9

ABENDUAK 6, 7, 8 eta 9

Antolatzaileak: Gerediaga Elkarria - Eusko Jaurlaritzaren Kultur Saila - Laguntzaileak: Bizkaiko Foru Aldundia - Gipuzkoako Foru Aldundia - Arabako Foru Aldundia - Durangoko Udala